



BALITANG PAHAYAGAN

PARA SA AGARANG PAHAYAGAN
Ika-7 ng Oktubre, 2025

Ang Mga Opisyal Na Ballot Drop Box Ay Magbubukas Para Sa Espesyal Na Eleksyon Sa Nobyembre

Simula Martes, Ika-7 ng Oktubre, ang mga rehistradong botante ay maaaring ibalik ang kanilang balotang pangkoreo para sa [espesyal na eleksyon sa Ika-4 ng Nobyembre](#) sa alinman sa mahigit [140 opisyal na mga ballot drop box](#) sa buong county.

Ang mga balotang pangkoreo para sa 2 milyong mga rehistradong botante ng County ay inaasahang dumating ngayong linggo.

Ano ang hitsura ng mga opisyal na ballot drop box ng Tagapagrehistro?

Ang mga opisyal na ballot drop box ng Tagapagrehistro ay pula, puti at asul at tampok ang logo ng Tagapagrehistro kasama ang selyo ng County. Ang lahat ng mga kahon ay may label na "Opisyal na Ballot Drop Box" at ginawa mula sa mataas na grado, mabigat na sukat na hindi kinakalawang na asero.

Ang bawat ballot drop box ay idinisenyo upang maiwasan ang pisikal na pinsala at hindi awtorisadong pag-access sa mga balotang pangkoreo. Ang mga kahon ay may tampok na double-lock na mga na-a-access na pinto, hamba ng pinto laban sa pagkaka-puwersa at iba pang mga hakbangin sa konstruksyon laban sa pagnanakaw. Ang team o grupo ng pagkuha ng balota ng Tagapagrehistro ang responsable sa pagkokolekta ng mga balota sa loob ng kahon.

Paano ko ibabalik ang aking balota sa isang opisyal na ballot drop box?

Markahan ang inyong balota, i-seal ang inyong nakumpletong balota sa loob ng inyong sobrenang pagbabalikan, lagyan ng petsa at pirmahan ang inyong pangalan sa sobrenang pagbabalikan, at ibalik ito sa koreo o sa isa sa opisyal na mga ballot drop box ng Tagapagrehistro sa buong county. Tandaan, ang inyong pirma ay kinakailangan upang mabilang ang inyong boto.

Bisitahin ang sdvote.com upang tingnan ang listahan ng mga lokasyon o ang locator map para sa oras ng operasyon ng bawat pasilidad bago pumunta upang ibalik ang inyong balota.



BALITANG PAHAYAGAN

PARA SA AGARANG PAHAYAGAN
Ika-7 ng Oktubre, 2025

Paano ako boboto ng personal?

Ang maagang pagboto ay magsisimula sa Lunes sa [opisina ng Tagapagrehistro ng mga Botante sa Kearny Mesa, na matatagpuan sa 5600 Overland Avenue, San Diego](#). Ang opisina ng Tagapagrehistro ay magbubukas mula ika-8 ng umaga hanggang ika-5 ng hapon, Lunes hanggang Biyernes. Gayunpaman, hinihikayat ng Tagapagrehistro ang mga botante na samantalain ang kaginhawahan ng pagboto sa pamamagitan ng koreo.

Kung nais ninyong bumoto nang personal, samantalain ang maagang pagboto. Simula Sabado, Ika-25 ng Oktubre, ang [piling mga vote center](#) sa buong county ay magbubukas araw-araw mula ika-8 ng umaga hanggang ika-5 ng hapon. Simula Sabado, Ika-1 ng Nobyembre, lahat ng vote center ay magbubukas araw-araw mula ika-8 ng umaga hanggang ika-5 ng hapon. Sa pinal na araw ng pagboto, Ika-4 ng Nobyembre, lahat ng vote center, opisyal na ballot drop box at ang opisina ng Tagapagrehistro ay bukas mula ika-7 ng umaga hanggang ika-8 ng gabi.

Ang mga botante sa buong estado ay magpapasya kung aaprubahan ang Proposisyon 50, isang pag-amyenda sa Konstitusyon ng Estado na may kinalaman sa muling-pagdidistributo. Maaari kayong matuto nang higit pa tungkol sa proposisyong ito sa [Gabay ng Impormasyon para sa Botante ng California \(English Lamang\)](#).

Ang mga botante na naninirahan sa Ika-2 Distrito ng Konseho ng Lungsod ng Poway ay magkakaroon ng karagdagang katanungan sa kanilang balota. Ang mga botante ng Ika-2 Distrito ng Poway ay magpapasya kung aalisin sa katungkulan ang kanilang nahalal na representante sa konseho ng lungsod. Tanging ang mga botante na nakatira sa Ika-2 Distrito ng Konseho ng Poway ang maaaring bumoto para sa kontest na ito. Kung hindi ka sigurado kung nakatira ka sa distrito, maaari mo itong tingnan sa [sdvote.com](#).

Matuto nang higit pa tungkol sa pagboto sa [espesyal na eleksyon sa Nobyembre](#) sa [sdvote.com](#), o tumawag sa (858) 565-5800 o toll free sa (800) 696-0136.

###

COUNTYNEWSCENTER   

COUNTY COMMUNICATIONS OFFICE
1600 PACIFIC HIGHWAY, ROOM 208 • SAN DIEGO, CA 92101